

bata debent. Sed hæc leuissima sunt, & grammaticorum castigat-
 ionibus relinquenda. Certè eadem ratio, quicquid de reliquis
 sit, quæ Philandrum confodit, Barbarum quoque iugulat. Di-
 ximus enim, nullam ob podii interseptiue retractionem, ipsis
 stylobatis adiectionem fieri; detur quippe exstantiam stylobatæ
 scamillum esse, nulla propterea per scamillum huic stylobatæ
 adiectione facta est. Quod quidem his non respondet quæ hoc
 loco præstanda esse manifestè docet ipse Vitruuius. Barbaro
 itaq; cum suis Camillis & loculamentis prætermisso, ad Bapti-
 stam Bertanum accedamus, is enim, eo libello quem lingua ver-
 nacula de operis Ionici rationibus scripsit, probè auctoris men-
 tem se assecutum profitetur. Nos igitur, vt hunc etiam minus
 rectè ad veritatem collimasse ostendamus, ea quæ ab ipso hæc
 de re scripta sunt, in medium proferemus. Præpositis Vitruuii
 verbis: *Vti quadra, spira &c.* Illa etiam quæ paulò inferius posita
 sunt subiungit,

*Vtique adiectione in stylobatis facta fuerit, in superioribus
 membris respondeat symmetria epistylorum.*

Mox commentationem ingreditur, ita scribens, vt nos ex Itali-
 co sermone Latinè vertimus.

*Id querit Auctor, symmetrias quibus superiora epistylorum mem-
 bra conformantur, adiectionibus quæ fiunt ad medios stylobatas conuenire,
 quas sanè adiectiones paulo ante docuerat, per scamillos seu gradillos impa-
 res fieri oportere: quod quidem hoc pacto præstabitur. Addatur stylobatæ
 trunco sexta pars crassitudinis columnaris scapi, ita vt dimidium hinc, &
 dimidium inde ipsius sextæ partis apponatur, dimidium postea totius alti-
 tudinis stylobatæ in partes septem diuidatur, quarum vna cymatio dabi-
 tur, cuius quidem prominentia ipsam altitudinem æquabit, quod reliquum
 est, in duodecim partes secabitur, quarum tres primæ fasciæ, quatuor se-
 cundæ (quæ ad medietatem vsq; primæ adiectionis eminebit) quinque de-
 mum tertiæ ascribentur, cuius eminentia quod reliquum est eiusdem ad-
 iectionis implebit. Porrò eadem ratione aliam stylobatæ partem confor-
 mabimus.*